

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Kantonalna uprava civilne zaštite

Broj:18/03-44-79/08
Tuzla; 05.02.2008. godine

IZVJEŠTAJ O RADU
Kantonalne uprave civilne zaštite za 2007. godinu

I UVOD

Kantonalna uprava civilne zaštite (u daljem tekstu KUCZ) obavljala je u toku 2007. godine zadatke iz svoje nadležnosti, u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća (u daljem tekstu Zakon o zaštiti i spašavanju) («Službene novine F BiH» broj 39/03 i 22/06), odredbama Zakona o ministarstvima i drugim organima uprave Tuzlanskog kantona («Službene novine TK» broj: 17/00, 3/01, 12/03,10/05. godine), Pravilnikom o unutrašnjoj organizaciji KUCZ, (u daljem tekstu: Pravilnik) i u skladu sa Programom rada KUCZ za 2007. godinu.

U obavljanju poslova iz oblasti zaštite i spašavanja i realizaciji planiranih zadataka iz Programa rada KUCZ za 2007. godinu angažirano je ukupno 10 zaposlenika, od čega 4 državna službenika (direktor KUCZ, sekretar KUCZ, pomoćnik direktora KUCZ i jedan stručni savjetnik za deminiranje i NUS) i 6 namještenika (3 za administrativno-tehničke poslove, 2 za poslove u Kantonalnom operativnom centru i jednog za pomoćno-tehničke poslove).

U Kantonalnom timu za deminiranje i uklanjanje NUS-a, čiji rad direktno nadzire i njegove poslove koordinira KUCZ, bilo je angažirano ukupno 14 pripadnika, od kojih 4 pripadnika u «A» komponenti, na prikupljanju i neutralisanju neeksplozivnih ubojitih sredstava (u daljem tekstu: NUS), a 10 pripadnika u «B» komponenti, na deminiranju objekata infrastrukture, koji su u funkciji prognanih i izbjeglih lica.

Općinske službe civilne zaštite (u daljem tekstu OSCZ) su formirane kao samostalne općinske službe za upravu u 11 općina Tuzlanskog kantona, u skladu sa Zakonom o zaštiti i spašavanju.

U općini Čelić poslovi civilne zaštite sistematizovani su u okviru Službe za opću upravu, društvene djelatnosti, boračka pitanja i poslove civilne zaštite, a u općini Teočak poslovi civilne zaštite su u okviru Službe za privredu, finansije, prostorno uređenje i civilnu zaštitu.

Na nivou Tuzlanskog kantona postoji Kantonalni štab civilne zaštite (u daljem tekstu KŠCZ), koji na osnovu najnovijeg Rješenja Vlade kantona ima 13 članova. U svim općinama formirani su Općinski štabovi civilne zaštite (u daljem tekstu OŠCZ), kao operativno-stručni organi civilne zaštite u općini, u koje je imenovano ukupno 168 članova. Bitno je napomenuti da su samo u općinama: Dobož Istok, Gračanica, Kladanj, Lukavac i Sapna načelnici općina i komandanti OŠCZ.

Operativni centri civilne zaštite (u daljem tekstu: Operativni centar) formirani su u općinama: Banovići (1 uposlenik), Dobož Istok (1 uposlenik), Gračanica (1 uposlenik), Gradačac (1 uposlenik), Kalesija (1 uposlenik), Kladanj (1 uposlenik), Lukavac (1 uposlenik), Sapna (1 uposlenik), Srebrenik (1 uposlenik), Teočak (1 uposlenik) i Tuzla (7 uposlenika). U OSCZ u općinama Čelić i Živinice još uvijek nisu formirani operativni centri civilne zaštite. Popuna Operativnih centara u OSCZ potrebnim brojem izvršilaca, koji obezbjeđuje rad Operativnog centra 24 sata u toku dana, u periodu kada je proglašeno stanje prirodne ili druge nesreće, izvršit će se mobilizacijom.

U KUCZ formiran je Kantonalni operativni centar civilne zaštite, u kome je trenutno uposlen samo jedan izvršilac (referent za osmatranje i uzbunjivanje), što omogućuje obavljanje poslova u istom samo u prvoj smjeni radnim danima. U skladu sa datom saglasnošću Vlade kantona, provodi se postupak javnog oglasa-konkursa za popunu još dva izvršioca-namještenika i rukovodioca centra -državnog službenika. Rad Centra u trajanju od 24 sata, u skladu sa odredbama Zakona o zaštiti i spašavanju, osigurat će se prijemom ostalih uposlenika.

II AKTIVNOSTI

Sagledavajući rad KUCZ u toku 2007. godine, pored redovnih poslova koji su najdirektnije vezani za zaštitu i spašavanja, neke aktivnosti zaslužuju da budu posebno istaknute:

- Održano je 30 sjednica stručnog kolegija KUCZ, na kojim su razmatrana sva važnija pitanja iz nadležnosti KUCZ, te dogovarane aktivnosti u vezi sa tim, kao i način njihove realizacije. U cilju podizanja odgovornosti, boljeg informisanja i kvalitetnije saradnje sa strukturama civilne zaštite na terenu, posebno OSCZ, na sjednicama stručnog kolegija KUCZ redovno su analizirani nedjeljni izvještaji o radu OSCZ, kao i pitanja o najaktuelnijim problemima zaštite i spašavanja u općinama, donošeni odgovarajući zaključci o rješavanju najvažnijih pitanja, u vezi čega su vođene odgovarajuće aktivnosti KUCZ sa OSCZ.

- Održano je 6 sastanka direktora KUCZ sa šefovima svih OSCZ na području Tuzlanskog kantona, na kojim su razmotrena najvažnija pitanja iz zajedničke nadležnosti navedenih organa civilne zaštite.

- U izvještajnom periodu održane su 4 redovne sjednice KŠCZ, na kojim su razmatrana pitanja iz njegove nadležnosti. Bitno je napomenuti da je KŠCZ, na osnovu nalaza komisija za procjenu šteta, a na zahtjev općina i na prijedlog KUCZ, donio Odluku o odobravanju finansijskih sredstava za 13 općina TK, u ukupnom iznosu od 200.000 KM, kao pomoć za saniranje šteta izazvanih prirodnim i drugim nesrećama. Navedena sredstva su prikupljena na računu KUCZ, kao posebna naknada za zaštitu od prirodnih i drugih nesreća. Radi podizanja nivoa opremljenosti, KŠCZ je donio i odluku o nabavci 15 kompleta računarske opreme i to: 13 kompleta za potrebe Općinskih operativnih centara civilne zaštite i 2 kompleta za potrebe Kantonalnog operativnog centra civilne zaštite u KUCZ.

U skladu sa Odlukom o formiranju KŠCZ, kao stručno-operativnog tijela Vlade kantona, KUCZ je obavljala sve potrebne stručne, administrativne, tehničke i druge poslove neophodne za rad KŠCZ.

- U izvještajnom periodu održana su 3 sastanka kantonalnog koordinatora za deminiranje (direktor KUCZ) sa općinskim koordinatorima za deminiranje, na kojim je razmatrana problematika deminiranja i trajnog obilježavanje minskih polja na području svih 13 općina.

- Direktor KUCZ učestvovao je u radu 4 sastanka direktora KUCZ sa direktorima KUCZ sa područja FBiH, na kojim je razmatrana najvažnija problematika iz oblasti zaštite i spašavanja u FBiH.

- U toku 2007. godine izvršeno je deminiranje i primopredaja slijedećih deminiranih terena:

1. Projekat ID 11967 površina 2.300,98 m², (10.04.2007. godine) na lokalitetu MZ Aljkovići-Behranovina općina Banovići, urađen metodom čišćenja.

2. Projekat ID 12005 površina 4.590,00 m², (11.04.2007. godine) na lokalitetu Skipovac-Brdani 1 općina Gračanica, urađena metodom čišćenja.

3. Projekat ID 11016 površina 19.257,00 m², (26.06.2007. godine) na lokalitetu Dragomir i Kovačica općina Tuzla, urađen metodom tehničkog izviđanja.

4. Projekat ID 12067 površina 42.646,58 m² (30.10.2007. godine), na lokalitetu Mehmedovići 1-TI MZ Memići općina Kalesija, urađen metodom tehničkog izviđanja.

5. Projekat ID 12164 površina 2.766,00 m² (09.11.2007. godine) na lokalitetu Lukavica Rijeka-Oblić općina Doboj Istok, urađen metodom čišćenja.

- Urađen je Izvještaj o radu KUCZ za 2006. godinu i Program rada KUCZ za 2007. godinu.

- Na temelju Programa rada KUCZ za 2007. godinu, u toku izvještajnog perioda, na sjednicama stručnog kolegija KUCZ, donošeni su planovi rada KUCZ i usvajani izvještaji o radu KUCZ za svaki mjesec, koji su dostavljani Vladi TK i Federalnoj upravi civilne zaštite, Sarajevo (u daljem tekstu: FUCZ).

- U cilju rješavanja konkretnih problema i poboljšanja međusobne saradnje, organizirano je više sastanaka sa predstavnicima određenih kantonalnih ministarstava, drugih kantonalnih organa uprave, Regionalnog ureda MAC-a, Tuzla,, Zavoda za javno zdravstvo TK, načelnicima više općina sa područja TK, direktorima privrednih i javnih preduzeća, predstavnicima Oružanih snaga BiH, LOT timova EUFOR-a, predstavnicima KUCZ sa područja FBiH, predstavnicima organa civilne zaštite iz Republike Srpske i predstavnicima drugih organizacija i institucija koje su od zanačaja za zaštitu i spašavanje.

- Direktor KUCZ imao je nekoliko sastanaka kod Premijera kantona, na kojim je razmatrana problematika iz oblasti rada KUCZ i OSCZ.

- U toku 2007. godine KUCZ je sačinila je više Informacija, koje su dostavljene Vladi TK, FUCZ i drugim relevantnim subjektima, u kojima je obrađena slijedeća problematika:

- a) Organizovanost preventivne zaštite od požara u 2007. godine na području TK.
- b) Zakonsko uređenje protivpožarne zaštite na području TK.
- c) Ostvareni rezultati u deminiranju i trajnom obilježavanju miniranih terena na području TK u 2006. godini.
- d) Provođenje zaključaka Vlade Federacije BiH u vezi protivpožarne zaštite na području TK.
- e) Podaci o ljudskim potencijalima, o privrednim društvima i drugim pravnim licima i udruženjima građana, o stanju objekata, opreme i sredstava za zaštitu i spašavanje ljudi i materijalnih dobara od prirodnih i drugih nesreća.
- f) Stanje u oblasti zaštite i spašavanja na području TK u 2007. godini.
- g) Ostvareni rezultati na neutralizaciji NUS-a i deminiranju terena na području TK za period I-VI 2007. godine.
- h) Aktivnosti mašinskog PLANT tima FUCZ, Sarajevo, na uklanjanju ostataka porušenih individualnih stambenih objekata na području TK u 2007. godini (općine Gračanica i Banovići).
- i) Rezultati rada tima za deminiranje i NUS KUCZ, Tuzla u 2007.(I-X mjesec) na području TK.
- j) Pripremljenost nadležnih subjekata za održavanje lokalnih puteva, gradskih ulica, regionalnih i magistralnih puteva, u zimskom periodu, (sezona 2007/2008. godina) na području TK
- k) Pregled utrošenih finansijskih sredstava za protuminske akcije, (čišćenje/tehničko izviđanje, trajno obilježavanje, upozoravanje na opasnost od mina i pomoć žrtvama od mina) na području TK, u 2007. godini.

- U skladu sa Odlukom o privremnom finansiranju Tuzlanskog kantona, urađen je i u Ministarstvo finansija dostavljen Operativni plan utroška budžetskih sredstava KUCZ za I-III 2007. godine, a po usvajanju Budžeta i operativni planovi za period IV-VI, VII-IX i X-XII.

U skladu sa Programom javne rasprave o Nacrtu Budžeta Tuzlanskog kantona za 2007. godine, urađene su primjedbe, u skladu sa zahtjevom za osiguranje potrebnih finansijskih sredstava za rad KUCZ u 2007. godini, koji je prilikom izrade navedenog Nacrta dostavljen od KUCZ i koji nije ispoštovan.

Urađen je i Ministarstvu finansija dostavljen zahtjev za dodjelu budžetskih sredstava za kapitalne izdatke u 2007.– 2009. godini.

KUCZ je u toku novembra 2007. godine uradila prijedlog nacrtu budžeta/proračuna KUCZ za 2008. godinu, sa procjenama za 2008. i 2009. godinu i dostavila ga Ministarstvu finansija na dalje postupanje.

- Obavljen je popis finansijskih potraživanja, stalnih sredstava i sitnog inventara KUCZ u upotrebi i u magacinu.

- U skladu sa propisanom zakonskom procedurom KŠCZ je usvojila Plan utroška sredstava prikupljenih na posebnom računu KUCZ, po osnovu posebne naknade za zaštitu od prirodnih i drugih nesreća u 2007. godini.

- Na svečanoj sjednici KŠCZ, održanoj u Tuzli u povodu 1. marta - Dana civilne zaštite, dijeljena su priznanja zaslužnim pojedincima i organizacijama sa područja kantona.

- Na osnovu svojih zakonskih ovlaštenja, direktor KUCZ donio je slijedeće Pravilnike:

1. Pravilnik o radnim odnosima državnih službenika i namještenika KUCZ

2. Pravilnik o plaćama i naknadama državnih službenika i namještenika u KUCZ .

3. Pravilnik o načinu korištenja službenih motornih vozila KUCZ.

- U oktobru i novembru 2007. godine, od strane federalnog inspektora civilne zaštite, izvršen je inspekcijski nadzor organizovanja i funkcionisanja civilne zaštite u općinama Doboj Istok i Čelić.

- KUCZ je uradila radnu verziju Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu, koji je upućen u OSCZ radi obavljanja javne rasprave.

- U toku 2007. godine KUCZ je pripremila za štampu i izdala dvobroj: septembar/rujan-13/14, glasila KUCZ TK „Civilna zaštita“ , koji je bio posvećen najaktuelnim aktivnostima struktura civilne zaštite TK na poslovima zaštite i spašavanja.

- I ove godine je ostvarena odgovarajuća saradnja sa regionalnim odjeljenjima civilne zaštite RS u Doboju i Bijeljini, na realizaciji međuentitetskog Sporazuma o saradnji u ostvarivanju zadataka civilne zaštite, kao i saradnja Općinskih službi civilne zaštite sa područja TK sa organima civilne zaštite susjednih općina RS, na realizaciji aktivnosti od zajedničkog interesa. Ova saradnja je naročito izražena za vrijeme prirodnih ili drugih nesreća, zatim na poslovima deminiranja i zaštite od NUS-a, koji se sastoje u razmjeni podataka o ugroženosti izbjeglih i raseljenih lica od NUS-a i MES-a u povratničkim naseljima. Također je ostvarena saradnja u pružanju međusobne pomoći u slučaju minoicidenata, kao i saradnja u oblasti protivpožarne zaštite..

- Vlada TK je u vezi sa djelokrugom i aktivnostima KUCZ:

1. usvojila Izvještaj o prikupljanju, raspodjeli i korištenju sredstava posebne naknade za zaštitu od prirodnih i drugih nesreća u 2006. godini.

2. dala saglasnost na Pravilnik o unutrašnjoj organizaciji KUCZ.

3. usvojila Izvještaj o radu Kantonalne uprave civilne zaštite za 2006. godinu

4. usvojila Program rada KUCZ za 2007. godinu.

5. usvojila Informaciju o ostvarenim rezultatima deminiranja i trajnog obilježavanja minskih polja na području TK u 2007. godini.

6. usvojila Informaciju o rezultatima Kantonalnog tima za deminiranje i uništavanje NUS-a u Fazi VIII Programa deminiranja na području TK.

7. usvojila Program deminiranja TK u 2007. godini, sa listom prioriteta deminiranja i trajnog obilježavanja minskih polja na području TK u 2007. godini i

8. donijela Odluku o visini naknade Kantonalnom koordinatorskom centru za saradnju sa Federalnim centrom za uklanjanje mina i NUS-a.

9. usvojila Informaciju o pripremljenosti za zimsko održavanje puteva na području TK u sezoni 2007 / 2008. godine.

10. usvojila je Zbirni izvještaj KUCZ o utrošku sredstava pomoći dodjeljene općinama TK u 2006. godini.

11. dala saglasnost FUCZ Sarajevo za raspisivanje zajedničkog javnog tendera, radi nabavke odjeće i obuće za potrebe zaposlenika KUCZ, kao i drugih struktura civilne zaštite na nivou TK.

12. donijela Rješenje o postavljenju komandanta, načelnika i članova KŠCZ i Odluku o izmjenama i dopunama Odluke o naknadama članovima KŠCZ.

- KUCZ je usmjeravala rad Kantonalne komisije za procjenu šteta od prirodnih i drugih nesreća i obavljala sve administrativno-tehničke poslove neophodne za rad ove komisije. U prostorijama KUCZ održan je i radni sastanak direktora KUCZ sa saradnicima, sa Kantonalnom komisijom za procjenu šteta od prirodnih i drugih nesreća, na kome je razmotrena problematika rada ove komisije i njeni zadaci u narednom periodu, u cilju efikasnijeg rada, a u skladu sa odgovarajućim zakonskim i podzakonskim aktima iz ove oblasti. Takođe je održan i sastanak Kantonalne komisije za procjenu šteta sa predsjednicima Općinskih komisija za procjenu šteta, šefovima OSCZ i predstavnicima Federalne komisije za procjenu šteta, na kome je, u funkciji obuke Općinskih komisija za procjenu šteta, razmotrena problematika rada ove komisije i razjašnjene određene nejasnoće o svim aspektima rada komisija za procjenu šteta.

- Predstavnici KUCZ održali su nekoliko posjećenih konferencija za elektronske i štampane medije, na kojima je šira javnost informirana o aktivnostima i rezultatima rada KUCZ i OSCZ Tuzlanskog kantona iz oblasti zaštite i spašavanja, koje su u nadležnosti KUCZ i OSCZ, a naročito o rezultatima deminiranja i prikupljanja i uništavanja NUS-a, rezultatima rada PLANT tima FUCZ na raščišćavanju ostataka porušenih kuća i posljedicama djelovanja prirodnih i drugih nesreća i načinu sanacije šteta od prirodnih i drugih nesreća. Također je prezentirano i glasilo KUCZ „Civilna zaštita“. KUCZ je u više navrata, preko elektronskih medija, upućivala apele stanovništvu, u cilju poduzimanja preventivnih mjera u zaštiti od požara, posebno šumskih, poljskih i požara na kontejnerima, zatim apele i informacije u vezi sa zaštitom od NUS-a i zaštitom okolice.

- Nakon provedene aktivnosti na detaljnoj analizi i obilasku interesantnih projekata na području TK, predstavnici KUCZ, u saradnji sa predstavnicima menadžment tima FUCZ, obavili su odabir i utvrdili preliminarnu listu prioriteta za rad TUN tima KUCZ na deminiranju i tehničkom izviđanju u 2008. godini, koja je kao konačna lista usvojena u decembru 2007. godine. Kantonalni koordinator za deminiranje (direktor KUCZ), zajedno sa Regionalni uredom MAC-a Tuzla i općinskim koordinatorima za deminiranje, sačinio je Preliminarnu listu prioriteta deminiranja i trajnog obilježavanja minskih polja za područje TK u 2008. godini, koja je dostavljena BH MAC-u, Sarajevo. Usvojena je konačna Lista prioriteta deminiranja i trajnog obilježavanje minskih polja na području TK u 2008. koja je, nakon dobijene saglasnosti od strane Vlade TK, dostavljena BH MAC-u.

- Iz budžeta KUCZ dodjeljena su općinama finansijska sredstva u iznosu od 20.000 KM za realizaciju poslova trajnog i hitnog obilježavanja minskih polja.

- Uspješno je okončana je VIII faza Programa deminiranja i provedene potrebne aktivnosti i otpočeta IX faza Programa deminiranja.

- Provedene su potrebne aktivnosti i d Policijskih uprava sa područja TK (Gradačac, Lukavac, Kalesija, Tuzla i Živinice) dobivene su dozvole za prevoz eksplozivnih materija – NUS-a, sa rokom trajanja do 31.12.2007. godine.

- Tim KUCZ za deminiranje i uklanjanje NUS-a («A» i «B» komponenta) učestvovao u sklopu operacije “Brzi odgovor” na izvlačenju nastradalih osoba u minoicidentima, u općinama: Teočak, Lukavac i Sapna.

- Predstavnici KUCZ-Tuzla prisustvovali su sastanku u FUCZ, na kome je izvršena prezentacija projekta: Tehničko-tehnološko i organizaciono rješavanje sistema za komunikacijsko-informacijsku potporu Federalnog operativnog centra civilne zaštite i naredne aktivnosti. Prezentaciju navedenog Projekta izvršili su nosioci izrade Projekta iz firme

„ELZAS“, d.o.o. Sarajevo, te relevantni konsultanti i revidenti Projekta-profesori sa Elektrotehničkog fakulteta Sarajevo- odsjek za telekomunikacije.

- Od strane Agencije za državnu službu FBiH – Odjeljenje za Tuzlanski i Posavski kanton, izvršena revizija radnih mjesta državnih službenika u Kantonalnoj upravi civilne zaštite Tuzla.

- Shodno Naredbi o organizovanju i provođenju preventivne zaštite od požara na području FBiH koju je donio Federalni štab CZ, direktor KUCZ Tuzla je istu prosljedio svim OSCZ sa područja TK i dao sugestije o hitnom provođenju Naredbe na terenu od strane svih relevantnih subjekata na nivou općinske vlasti.

- Na zahtjev Ministarstva unutarnjih poslova TK za uništavanjem pirotehničkih sredstava (petarde) koje su djelatnici MUP-a oduzeli u posljednjih 10-ak godina, pripadnici “A” komponente TUN tima KUCZ su u dvije odvojene akcije uništili oko 250 kg raznih pirotehničkih sredstava. Uništvanje je obavljeno na improviziranom poligonu Turić u općini Gradačac.

- Proveden postupak javne nabavke za potrebe računarske opreme, putničkog vozila i kancelarijskog namještaja.

- Davani odgovori na poslanička pitanja iz Kantonalne skupštine i Općinskog vijeća Tuzla.

- Direktor KUCZ učestvovao je u radu na dvije sjednice Skupštine Tuzlanskog kantona, na kojima je podnio i dvije Informacije:

1. Informacija o ostvarenim rezultatima deminiranja i trajnog obilježavanja minskih polja na području TK u 2006. godini.

2. Informacija o ostvarenim rezultatima deminiranja i trajnog obilježavanja minskih polja na području TK u 2007. godini.

- Kantonalna uprava civilne zaštite pokrenula je prema Ministarstva prostornog uređenja i zaštite okolice TK inicijativu za formiranje kantonalnog multidisciplinarnog stručnog radnog tima, čiji zadatak bi bio da uradi jedinstvenu metodologiju formiranja katastarsa klizišta, po kojoj bi bili sačinjeni katastri klizišta u svim općinama TK.

- Uposlenici KUCZ učestvovali su na nekoliko seminara i savjetovanja, u okviru realizacije programa obuke za državne službenike TK, na razne teme od značaj za rad državnih službenika. Seminari su održani u organizaciji Agencije za državnu službu Federacije BiH.

- U skladu sa dogovorom sa rukovodiocima OSCZ, direktor KUCZ je podnio Zahtjev za pokretanje inicijative za zakonsko rješavanje statusa pripadnika civilne zaštite prema Skupštini TK i Zahtjev za izradu Nacrta Zakona za rješavanje statusa pripadnika civilne zaštite i građana prema FUCZ.

- Na osnovu Odluke Vlade FBiH, Federalna uprava civilne zaštite je dodijelila na korištenje KUCZ Tuzla prenosni agregat koji je smješten u magacinski prostor KUCZ Tuzla.

- KUCZ je izvršila popunu radnog mjesta sekretara Kantonalna uprava civilne zaštite.

- Penzionisana su i sporazumno raskinula radni odnos tri zaposlenika.

III MJERE ZAŠTITE I SPAŠAVANJA

U skladu sa odredbama Zakona o zaštiti i spašavanju, strukture civilne zaštite planiraju, koordiniraju i poduzimaju sktivnosti u okviru slijedećih mjera zaštite i spašavanja:

1. Sklanjanje ljudi i materijalnih dobara,
2. Evakuacija,
3. Zbrinjavanje ugroženih i stradalih,
4. Zamračivanje,
5. Zaštita i spašavanje od radioloških, hemijskih i bioloških sredstava,

6. Zaštita i spašavanje od rušenja,
7. Zaštita i spašavanje na vodi i pod vodom,
8. Zaštita i spašavanje od požara,
9. Zaštita od neeksplozivnih ubojitih sredstava,
10. Prva medicinska pomoć,
11. Zaštita i spašavanje životinja i namirnica životinjskog porijekla,
12. Asanacija terena,
13. Zaštita okolice,
14. Zaštita i spašavanje u rudnicima i
15. Zaštita bilja i biljnih proizvoda.

U ovom Izvješčaju bit će obrađene samo mjere zaštite i spašavanja u vezi kojih je ostvarena konkretna aktivnost KUCZ.

1. Zaštita i spašavanje od požara

KUCZ je, sukladno svojim zakonskim ovlaštenjima i stvarnim potrebama, poduzimala niz aktivnosti u vezi sa protivpožarnom zaštitom (preduzimanje preventivnih i operativnih radnji u ovoj oblasti i drugo).

Pregled registrovanih požara za 2007. godinu

Br.	Vrsta požara	jan	feb	mar	apr	maj	jun	jul	avg	sep	okt	nov	dec	Ukup
1.	Stamb.objekti	18	12	10	7	3	3	8	10	8	7	8	15	109
2.	Poslovni obj.	5	3	5	2	6	6	1	1	1	0	0	3	33
3.	Sport.objekti	0	0	0	0	0	0	0	0	1	0	0	0	1
4.	Industr.obj.	0	0	0	0	0	0	1	0	0	1	3	0	5
5.	Pomoćni obj.	1	5	5	4	5	5	14	4	2	4	4	2	55
6.	Šumski požari	13	13	18	51	9	9	35	12	2	0	0	0	162
7.	Nisko rastinje	29	12	24	28	5	5	82	19	3	1	1	0	209
8.	Kontejneri	101	71	46	66	13	13	6	3	15	47	86	75	542
9.	Dimnjaci	6	8	7	6	1	1	1	0	2	5	5	13	55
10.	Motorna vozila	2	3	4	3	1	1	4	3	0	4	6	3	34
11.	Ostalo(sijena, deponije smeća)	6	3	6	17	2	2	32	15	10	7	7	1	108
	UKUPNO	181	130	125	184	45	45	184	67	44	76	120	112	1313

Svi registrovani požar bili su manjeg intenziteta i ugašeni su bez većih problema.

U 2007. godini nije registrovan niti jedan požar čije su razmjere bile takve da je bilo nužno proglašavanje stanja prirodne nesreće.

U nekoliko slučajeva požari su imali za posljedicu totalno uništenje stambenih objekata te je pricinjena znatna materijalna šteta.

Najčešći uzrok većine požara je ljudski faktor.

Krajnje neodgovorno ponašanje stanovništva se naročito ispoljava za vrijeme grejne sezone kada bilježimo veliki broj požara na kontejnerima koji služe za odlaganje pepela i drugog otpadnog materijala.

U sklopu međuentitetske saradnje bilježimo stalnu saradnju između općina Gračanica i Petrovo u RS, te angažman vatrogasaca iz Gradačca u susjednim općinama u RS.

Načelno se može konstatovati da postojeće snage za gašenje požara u općinama mogu efikasno djelovati u slučaju požara srednjeg intenziteta, a u slučaju istovremenog izbijanja većih požara u više općina, postoveće snage su nedovoljne, kako zbog nedovoljnog broja vozila za gašenje požara tako i zbog nedovoljnog broja profesionalni vatrogasaca.

Kada je u pitanju zakonska regulativa iz ove oblasti stanje se nije poboljšalo u odnosu na 2006. godinu.

Stanje organizovanosti protivpožarne zaštite na području TK

Bez vatrogasnih jedinica su općine: Doboj Istok, Sapna, Teočak i Živinice.

Jedinice civilne zaštite specijalizovane namjene za protivpožarnu zaštitu, u većini općina su u fazi formiranja po navom Pravilniku i Okvirnim ličnim i materijalnim formacijama.

Samo u nekoliko općina postoje stari Općinski planovi zaštite od požara (Banovići, Kladanj, Srebrenik i Tuzla) koji nisu usklađeni sa kantonalnim Zakonom o protivpožarnoj zaštiti. U vrlo malom broju privrednih društava postoje ovi Planovi. U najvećem broju ovih subjekata ne postoje odgovarajuća MTS-a i oprema za protivpožarnu zaštitu.

Trenutno postoji kantonalni Zakon o protivpožarnoj zaštiti i 7 podzakonskih akata. U toku je izrada Nacrta Zakona o protivpožarnoj zaštiti i vatrogastvu u FBiH.

2. Zaštita od neeksplozivnih ubojnih sredstava

Osnova za realizaciju zadataka iz oblasti deminiranja i uklanjanja NUS-a u 2007. godini bila je Kantonalna lista prioriteta za deminiranje i trajno obilježavanje na području TK, koja je urađena na osnovu prijedloga iz općina i ulaznih parametara dobivenih od BHMCA-a, a koja je usvojena na Vladi TK i ovjerena od strane Premijera kantona.

Početkom 2007. godine potpisan je Program deminiranja u 2007. u Federaciji BiH – Faza IX kojom su obezbjeđeni neophodni uvjeti za nastavak rada timova civilne zaštite za deminiranje i uklanjanje NUS-a sa području F BiH. Sukladno potpisanom Ugovoru timovi civilne zaštite bili su operativni 11 mjeseci odnosno od 12.02. – 31.12.2007. godine.

Obzirom da je prethodna-VIII Faza bila posljednja u kojoj je Delegacija Evropske Komisije (DEK) imala finansijsko učešće, od posebnog značaja je činjenica da je cjelokupnu finansijsku potpru u provođenju Programa deminiranja u 2007. godini-Faza IX, pružile Vlada FBiH i Vlada TK. Naime, Vlada Federacije obezbjedila je sredstva za plaće i materijalne troškove pripadnika «A» i «B» tima, a Vlada TK je iz budžeta TK finansirala tim KUCZ u iznosu od 128.678 KM za plaćanje poreza, doprinosa i beneficiranog radnog staža pripadnika deminerskog tima.

Svakodnevna saradnja sa OSCZ je vrlo važan preduvjet za blagovremeno i kvalitetno obavljanje redovnih zadataka iz oblasti neutralisanja NUS-a i deminiranja terena, a posebno za kontinuirano provođenje Operacije Žetva.

a. Kantonalni tim civilne zaštite za deminiranje i uklanjanje NUS-a

«A» komponenta, uništavanje NUS-a

U izvještajnom periodu pripadnici «A» komponenta su odradili **526** zadataka što je rezultat koji ovaj tim svrstava u sam vrh u poređenju sa ostalim timovima sa područja F BiH.

Pregled prikupljenog i uništenog NUS-a u toku faze IX Programa deminiranja 2007.

R. br.	Naziv Sredstva	janu	febr	mart	april	Maj	juni	juli	avg	sept	okt	nov	dec	UKUPNO
1.	Sitna municija	1.182	146	1.590	889	862	462	414	1.302	475	761	1.860	825	10.768
2.	Mun.većeg kal.	2	1	3	11	4	3	7	5	28	10	100	7	181
3.	r.bombe	48	37	173	125	97	51	52	122	54	34	49	64	906
4.	Projektili	0	0	28	34	53	42	42	29	9	26	9	4	276
5.	Pješad. mine	0	0	5	9	15	42	31	17	17	0	3	4	143
6.	tenkov. mine	0	0	2	1	1	0	0	4	2	1	1	1	13
7.	Trombl. mina	7	0	13	16	23	3	14	17	26	9	6	7	141
8.	Rakete(osa,zolja)	1	0	2	3	7	1	2	5	2	1	1	0	25
9.	Upaljači	1	4	12	40	4	13	4	1	0	0	2	0	81
10.	Avio bombe	0	0	0	0	0	0	0	1	0	0	0	0	1
11.	Ostalo (kap. Okv.	13	1	25	6	20	25	16	35	16	44	13	37	251
12.	Eksplzivi-razni	0	0	0	0,2	0	0	5	0	0,5	0	0	0	5,7
13.	trotliski meci	0	3	1	1	3	0	1	2	5	0	1	1	18
	UKUPNO	1.254	192	1.854	1.135	1.089	642	588	1.540	634	886	2.054	950	12.818

«B» komponenta –deminiranje terena

Druga komponenta tima za deminiranje KUCZ zadužena za pregled i čišćenje vitalnih objekata bila je angažirana na pregledu i čišćenju vitalnih objekata i poljoprivrednih površina.

Br.	Općina	Lokalitet	Namjena	Metoda Rada	Površina /m ² /
1.	Banovići	Behranovina	Vodovod	čišćenje	2.483,18
2.	Gračanica	Skipovac-Brđani 1.	put i polj. zemljište	čišćenje	4.590,66
3.	Tuzla	Dragoman i Kovačica	put i polj. Zemljište	TI	19.036,86
4.	Kalesija	Mehemedovići 1.	poljoprivredno zemljište	TI	42.646,58
5.	Doboj-Istok	Lukavica Rijeka – Oblić	put i spomen obilježje	čišćenje	2.766,00
6.	Gračanica	Obala i korito r. Spreče 4	polj. zemljište	TI	5.000,00
U K U P N O					76.523,28

Tokom izvođenja deminerskih radova pronađene su slijedeće vrste i količine mina i neeksploziranih ubojitih sredstava:

- PMA-23 kom.
- PMA-31 kom.
- PMR-2A1 kom.
- NUS21 kom.

Sukladno usvojenoj Listi prioriteta za rad «B» komponente tima civilne zaštite za period Faze VIII možemo konstatirati da je izvršen prebačaj u ostvarenju plana za oko 10%. Ovako dobar rezultat ostvaren je maksimalnim angažmanom svih pripadnika u timu, a dobra saradnja sa Sektorom za deminiranje i uklanjanje NUS-a kada je u pitanju angažiranje POEK, i Mašinskog tima bila je od presudnog značaja za dostignutu deminiranu površinu.

Trajno obilježavanje rizičnih površina

Nakon realizacije projekata deminiranja Kantonalni tim civilne zaštite je bio obavezan da izvrši trajno obilježavanje na 4 projekta kako bi se izvršilo odvajanje deminirane površine od rizične. Svi projekti su uspješno odrađeni, a ukupno je **trajno obilježena površina od 103.960.00 m²**. Sav neophodni materijal (znakovi, kolčevi, cement i šljunak) za izvođenje radova na trajnom obilježavanju obezbjeđivala je općina na kojoj su se izvodili radovi.

“ Brzi odgovor “ - izvlačenje nastradalih osoba iz minskih polja

Angažiranje Kantonalnog tima civilne zaštite kao jedine institucije na TK sa certifikatom za izvlačenje nastradalih osoba iz minskih polja (brzi odgovor) bilježimo u općinama: Teočak, Lukavac i Sapna.

Općina	Lokalitet	Datum	Smrtno	Teže	Lakše
Teočak	Jezero Snježnica	15.04.2007.	1	-	-
Lukavac	Trepala - Ozren	27.06.2007.	1	-	-
Sapna	Andželići	21.11.2007.	-	2	1
U K U P N O			2	2	1

U izvještajnom periodu, na području TK bilježimo još minskih nesreća sa tragičnim posljedicama u kojima nije bio angažiran tim KUCZ.

b. «Plant» tim civilne zaštite-čišćenje ostataka porušenih objekata van minskih polja

Na osnovu utvrđenog plana o angažiranju «Plant» tima FUCZ na poslovima uklanjanja ostataka ruševina na objektima van minskih polja, u periodu od 03. do 26.09.2007.

godine, na području TK boravio je «Plant» tim FUCZ i izvodio aktivnosti na području općina Gračanica i Banovići.

Općina Gračanica

U periodu od 03. do 18. septembra «Plant» tim je uklonio ostatke građevinskog i drugog materijala sa 14 objekata na području mjesne zajednice Donji Skipovac u naselju Brđani i Kojići.

- Brđani...6 objekata
- Kojići.....8 objekata

.....

Ukupno: 14 objekata

Općina Banovići

U periodu od 19. do 26.09. 2007. godine tretirano je 15 objekata i to u

- MZ Seona15 objekata

U periodu od nepunih mjesec dana «Plant» tim je uklonio ostatke ruševina na 29 objekta.

Ukupni rezultati deminiranja i trajnog obilježavanja na području Tuzlanskog kantona

Pored tima KUCZ za deminiranje, prikupljanje i uništavanje NUS-a na poslovima deminiranja i trajnog obilježavanja radili su i deminerski timovo OS BiH i profesionalnih agencija za deminiranje.

Izvođač	Broj projekata	Površina	Procenat
OS BiH	7	480.564,07	66,35%
FUCZ	6	76.523,28	10,57%
OSTALI	22	167.167,60	23,08%
UKUPNO	35	724.254,95	100,00%

Tokom trajanja deminerske sezone u odnosu na planiranih 1.984.047,93 m² deminirano je 724.254,95 m² ili 36,50%.

Obilježavanje miniranih površina

KUCZ je iz svojih proračunskih sredstava dodijelila općinama pomoć za ove namjene u ukupnom iznosu od oko 20.000 KM

Izvođač	Broj projekata	Površina m²	Procenat
OS BiH	4	643.540,00	39,07
FUCZ	4	103.960,00	6,31
OSTALI	7	899.494,00	54,62
UKUPNO	15	1.646.994,00	100,00

Tokom trajanja deminerske sezone, u odnosu na planiranih 5.077.557,00 m², obilježeno je 1.646.994,00 m² ili % 32,43.

3. Prva medicinska pomoć

Na osnovu podataka Zavoda za javno zdravstvo TK, u periodu od 01.01.2007. do 31.12.2007. godini, prijavljeno je, na području 13 općina TK, ukupno 3.528 slučajeva

oboljevanja od zaraznih i parazitarnih bolesti na pojedinačnim prijavama i 1.743 slučaja gripe na zbirnim prijavama.

Vodeće bolesti prema pojedinačnim prijavama bile su:

Influenza	1.786 slučajeva
Varicella.....	1.567 slučajeva,
Enterocolitis acuta.....	875 slučajeva,
TBC activa.....	429 slučajeva,
Hbs antigenaemia	125 slučajeva,
Scabies.....	106 slučajeva,
Mononucleosis infect	32 slučaja,
Toxiinfectio alimentaris	46 slučajeva
Salmonelosis	48 slučajeva
Scariatina	45 slučajeva

U toku 2007. godine nije bilo prijavljenih epidemija zaraznih bolesti.

Prijavljeno je 11 slučajeva smrti od zaraznih bolesti i to:

- enterocolitis 1 slučaj
- leptospiroza1 slučaj
- tuberkuloza 9 slučajeva

4. Zaštita i spašavanje životinja i namirnica životinjskog porijekla

U općini Živinice registrovani su i slijedeći slučajevi zaraznih bolesti kod životinja:

- svinjska kuga (6 svinja i 12 prasića)
- dva slučaja trihineloze kod svinja (jedna domaća i jedna divlja svinja).
- ukupno 51 slučaj sero pozitivnih ovaca na brucelozu.
- jedan slučaj bjesnila kod lisice

U općini Živinice realizovana je akcija neškodljivog uklanjanja 148 pasa lualica koji su predstavljali veliku opasnost za bezbjednost građana.

U općini Kalesija registrovana su 24 sučaja bruceloze kod životinja (21 ovca i 3 krave).U ovoj općini je realizovana akcija ubijanja pasa lualica, u gradskoj zoni Kalesije, u saradnji sa lovačkim društvom „Spreča“, Kalesija.

U općini Doboj Istok registrovana su 3 sučaja bruceloze kod ovaca.

U općini Kladanj registrovan je, od strane Veterinarske stanice, jedan slučaj trihineloze kod divlje svinje.

5. Asanacija terena

Na području svih općina gdje su registrovani slučajevi uginuća životinja usljed zaraznih bolesti izvršeno je neškodljivo uklanjanje, ukopavanje i asanacija terena u skladu sa propisanim sanitarno-higijenskim mjerama.

U vezi sa ovom mjerom zaštite i spašavanja nameće se problem nedostatka stočnog groblja na području svih općina osim općina: Kalesija i Kladanj.

6. Zaštita okoliša

Klizišta

U 2007. godini klizišta su aktivirana u općinama: Banovići, Doboj Istok, Gračanica, Gradačac, Kalesija, Kladanj, Lukavac, Sapna, Srebrenik, Teočak i Živinice.

U 2007. godine aktivirano je, na području TK, ukupno 56 klizište i 8 odrona zemlje.

U izvještajnom periodu izvršena je preventivna sanacija 2 klizišta i trajna sanacija jednog odrona zemlje u općini Kladanj, i trajna sanacija jednog klizišta u općini Teočak.

U toku decembra 2007. godine vođene su pripremne aktivnosti za trajnu sanaciji 2 klizišta: općina Gradačac-1 klizište i općina Doboj Istok-1 klizište.

Poplave

U martu, maju, junu, oktobru, novembru i decembru 2007. godine došlo je, kao posljedica obilnih kišnih padavina, do izljevanja rijeka i potoka iz svojih korita, i plavljenja većih površina poljoprivrednog i drugog zemljišta, na području općina: Banovići, Kalesija, Živinice, Lukavac, Gračanica i Doboj Istok.

U maju i junu mjesecu, u nekoliko navrata pojedini dijelovi TK bili su zahvaćeni obilnim kišnim padavinama koje su bile praćene gradom. Najteže stanje je bilo u junu, u općini Kladanj, kada je u periodu od 8.-12.06.2007. godine bilo proglašeno stanje prirodne nesreće. Pričinjene su veće štete.

Maksimalni nivo HA „Modrac“ dostignut je dana 02.11.2007. godine, i iznosio je 199,98 m.n.m.(2 cm ispod preljeva na brani).

Kao posljedica naglog topljenja snijega, u dane 26. i 27.11. 2007. godine, došlo je do naglog porasta vodostaja rijeke Spreče, tako da je na području općina: Doboj Istok i Gračanica priobalno poplavljena veća površina poljoprivrednog zemljišta. Do 30.11.2007. godine voda se povukla sa poplavljenih područja.

Sniježne padavine

Od 16.-18.11.2007. godine obilne sniježne padavine izazvale su manje probleme u odvijanju saobraćaja na lokalnim i regionalnim putevima na području svih općina TK

U općini Gračanica visina sniježnog pokrivača u brdskim mjesnim zajednicama (Lukavica, Džakule, Vranovićima Malešići) je iznosila oko 50 cm, tako da se saobraćaj motornih vozila za Lukavicu odvijao preko Doboja i Sjenine a za Džakule i Prijeko Brdo preko Biberovog Polja.

U periodu od 24.-25.12. i od 29.-31.12. 2007. godine obilne sniježne padavine izazvale su manje probleme u odvijanju saobraćaja motornih vozila na lokalnim i regionalnim putevima na području svih općina TK

Zimsko održavanje puteva

U svim općinama TK izvršene su, u toku novembra i decembra 2007. godine, odgovarajuće pripreme za zimsko održavanje gradskih ulica, lokalnih kategorisanih i drugih nekategorisanih puteva u nadležnosti općina. U većini općina potpisani su ugovori sa firmama koje će obavljati ove poslove u zimskom periodu. Obezbjedena je odgovarajuća mehanizacija, posipni materijal i pogonsko gorivo.

OSCZ su izvršile neophodne pripreme za angažiranje ljudstva i MTS, u vlasništvu građana, posebno u seoskim MZ, u slučaju većih snježnih padavina, kada redovno angažirane snage ne bi mogle obezbijediti prohodnost puteva.

Federalna direkcija cesta, Sarajevo i Direkcija za puteve TK obavili su sve neophodne pripreme za održavanje magistralnih i regionalnih puteva na području TK i potpisali ugovore sa odgovarajućim firmama, za održavanje navedenih puteva, u zimskoj sezoni 2007/2008. godina.

Suša

Dugotrajna suša u toku ljetnog perioda izazvala je, u svim općinama TK, nedostatak vode za piće, higijenske potrebe stanovništva i za napajanje stoke. Prešušili su lokalni vodni objekti u prigradskim i seoskim mjesnim zajednicama, a drastično je smanjen dotok vode u izvorišta gradskih vodovoda, što je dovelo do redukcije u snabdijevanju vodom, u većini gradova na području TK. Velike štete su pričinjene na poljoprivrednim usjevima i na voćnjacima.

Visoke temperature vazduha

U toku mjeseca jula 2007. godine na području svih 13 općina TK registrovane su, u neprekidnom trajanju, ekstremno visoke temperature vazduha, koje su dostizale vrijednost i preko 40° C, što je izazvalo brojne probleme: ugrožavanje zdravlja i života ljudi, posebno

starijih ljudi, hroničnih bolesnika i male djece, kao i nedostatak vode za piće i higijensko-sanitarne potrebe stanovništva.

Zagađenost zemljišta

Na području TK registrovane su samo dvije uređene sanitarne deponije (općine: Tuzla i Čelić), 8 djelimično uređenih sanitarnih deponija (općine: Gračanica, Gradačac, Kalesija, Kladanj, Lukavac, Srebrenik, Teočak i Živinice) i 381 nekontrolisana odnosno „divlja“ deponija (najviše u općinama: Tuzla-119, Kladanj-80, Živinice-50, Gračanica-30 i Lukavac-30).

Otpad animalnog porijekla, koji nastaje u klaonicama, odlaže se na sve vrste deponija, jer ne postoji spalionica ovog otpada.

Ne postoji ni jedna uređena deponija za odlaganje tehnološko-hemijskog i drugog opasnog otpada što predstavlja veliku opasnost za zagađivanje podzemnih voda i vodotoka.

U okviru ostalih mjera zaštite i spašavanja, u 2007. godini, nisu preduzimate konkretne aktivnosti.

IV FINANSIJE

Uvod

Kantonalna uprava civilne zaštite za ostvarivanje svoje zakonom utvrđene funkcije ima u Budžetu Tuzlanskog kantona predviđena odgovarajuća finansijska sredstva.

Redovna budžetska sredstva KUCZ se planiraju i troše u skladu sa Zakonom o izvršenju budžeta TK o čemu se u Ministarstvu finansija TK vodi zakonom predviđena procedura.

Pored redovnih budžetskih sredstava na poseban transakcijski račun KUCZ, koji se vodi u Ministarstvu finansija, svake budžetske godine vrši se uplata sredstava Posebne naknade za zaštitu od prirodnih i drugih nesreća koje se izdvajaju u skladu sa članom 180. Zakona o zaštiti i spašavanju.

Navedena sredstva su namjenskog karaktera i njihova potrošnja je utvrđena Zakonom o zaštiti i spašavanju i o tome se podnosi poseban izvještaj Vladi TK.

Pored redovnih i navedenih namjenskih sredstava u planu budžeta KUCZ vode se i sredstva Naknade za izgradnju skloništa koja se uplaćuju po osnovu člana 54. Zakona o zaštiti i spašavanju na poseban račun KUCZ koje je otvoren pri Ministarstvu TK.

Potrošnja sredstava od skloništa, koja se izdvajaju od 2004. godine, još nije počela zbog kašnjenja u donošenju odgovarajućeg propisa i velikog broja nejasnoća u primjeni istog.

Finansijska sredstva

Planom budžeta KUCZ za 2008. godinu planirana je i ostvarena sljedeća potrošnja budžetskih sredstava:

Redni Broj	Vrsta prihoda	Plan	Ostvarena potrošnja	%
1.	Redovna budžetska sredstva	570.600,00	513.863,33	90,0
2.	Posebna naknada za zaštitu od prirodnih i drugih nesreća	1.000.000,00	207.215,86	20,7
3.	Naknada za izgradnju skloništa	1.000.000,00	-	0
Ukupno:		2.570.600,00	721,089,19	28,0

Iz odnosa planirane i ostvarene potrošnje može se vidjeti da je ostvarena manja potrošnja od planirane.

Na potrošnji redovnih budžetskih sredstava ostvarena je ušteda od 10% zbog manjeg broja uposlenika i racionalne potrošnje.

Potrošnja navedenih sredstava u dijelu skloništa nije ostvarena a u dijelu posebne naknade za zaštitu od prirodnih i drugih nesreća vrlo mala zbog nedonošenja Programa razvoja zaštite i spašavanja TK, kadrovske nepopunjenosti Kantonalnog operativnog centra civilne zaštite i KUCZ.

V ZAKLJUČCI

U izvještajnom periodu značajno je poboljšana efikasnost rada svih struktura civilne zaštite Tuzlanskog kantona.

Rezultati su vidljivi kroz navedene aktivnosti i poduzete mjere zaštite i spašavanja ljudi i materijalnih dobara.

Da bi se još više poboljšao rad struktura civilne zaštite, od KUCZ do OSCZ, te da bi se strukture civilne zaštite i drugi subjekti zaštite i spašavanja u Tuzlanskom kantonu, osposobili za realizaciju odredaba Zakona o zaštiti i spašavanju u praksi, odnosno da bi se uspješno odgovorilo svim zadacima zaštite i spašavanja ljudi i materijalnih dobara od prirodnih i drugih nesreća potrebno je poduzeti sljedeće:

1. Aktivno i neprekidno raditi na provedbi odredaba Zakona o zaštiti i spašavanju na kantonalnoj i općinskoj razini a posebno:

- a.) **Obaviti potrebne aktivnosti i dogovore sa općinskim načelnicima da se sukladno članu 31. Zakona o zaštiti i spašavanju, u svim općinama Tuzlanskog kantona formiraju i kadrovski popune samostalne službe civilne zaštite u okviru kojih funkcioniraju Općinski operativni centri civilne zaštite, sa minimalno jednim uposlenikom u radnom vremenu (8 sati u toku 24 sata) i stvorenim pretpostavkama za funkcioniranje Općinskog operativnog centra civilne zaštite i 24 sata dnevno, kroz mobilizaciju, za vrijeme dok traje stanje prirodne ili druge nesreće ili kada se ocijeni da postoji neposredna opasnost od nastanka određene prirodne ili druge nesreće.**
- b.) **Obaviti kadrovsku popunu KUCZ i stavljanje u funkciju Kantonalnog operativnog centra 24 sata dnevno.**
- c.) **Sredstvima posebne naknade za zaštitu i spašavanje iz člana 180. Zakona o zaštiti i spašavanju kojima raspolaže KUCZ izvršiti tehničko opremanje operativnih centara u skladu sa projektom FUCZ.**
- d.) **Donijeti nove odluke i rješenja o imenovanju OŠCZ u skladu sa Zakonom o zaštiti i spašavanju (u općinama gdje to nije učinjeno).**

Rješenjem načelnika općine za komandanta OŠCZ imenovati općinskog načelnika ili njegovog zamjenika.

Pored komandanta, načelnika-šefa OSCZ i sekretara općinske organizacije Crvenog križa, koji su utvrđeni Zakonom o zaštiti i spašavanju, za članove OŠCZ imenovati i sve pomoćnike općinskog načelnika-rukovodioce općinskih službi za upravu.

Također za članove OŠCZ imenovati predstavnike policije, Doma zdravlja, veterinarske službe i vatrogasne jedinice zbog specifičnosti i stručnog pristupa u donošenju naredbi prilikom rukovođenja akcijama zaštite i spašavanja.

Zbog značaja, odgovornosti i kvalitetnijeg doprinosa u izgradnji sistema zaštite i spašavanja u skladu sa Zakonom o zaštiti i spašavanju za sve članove štaba

- civilne zaštite iz sredstava posebne naknade za zaštitu i spašavanje i redovnih budžetskih sredstava osigurati odgovarajuću novčanu naknadu.
- e.) Donijeti Zakon o zaštiti i spašavanju ljudi i materijalnih dobara od prirodnih i drugih nesreća Tuzlanskog kantona i u okviru njega utvrditi nadležnosti KUCZ, KŠCZ, Vlade TK i njenih ministarstava, kantonalnih uprava, Skupštine TK, pravnih lica i građana TK, u provedbi mjera zaštite i spašavanja.
- f.) U svim općinama donijeti Odluku o organizaciji i funkcionisanju sistema zaštite i spašavanja na području općine u kojoj treba detaljno utvrditi: nadležnosti svih općinskih organa vlasti u oblasti zaštite i spašavanja, općinskog načelnika i općinskog vijeća, u slučaju prirodnih i drugih nesreća, koje se mogu desiti na općini, odnose i saradnju Općinske službe civilne zaštite i svih općinskih službi za upravu, saradnju Općinske službe civilne zaštite sa KUCZ i općinskih službi za upravu sa odgovarajućim kantonalnim ministarstvima i drugim organima kantonane uprave u pitanjima od zajedničkog interesa i nadležnosti, sastav i način rukovođenja Općinskog štaba civilne zaštite.
- g.) Nastaviti implementaciju Zakona o zaštiti i spašavanju i izgraditi sistem zaštite i spašavanja građana i njihove imovine na općini kako je to navedenim zakonom predviđeno.
To podrazumjeva formiranje, pored OSCZ i OŠCZ, štabova civilne zaštite i imenovanje povjerenika civilne zaštite u mjesnim zajednicama i drugim pravnim subjektima, službi zaštite i spašavanja i jedinica civilne zaštite u skladu sa potrebama i mogućnostima općine.
- h.) U općinama gdje to nije urađeno donijeti Programe razvoja i Planove zaštite i spašavanja od prirodnih i drugih nesreća u skladu sa članom 173. i 174. Zakona o zaštiti i spašavanju.
Na nivou TK ubrzati aktivnosti na donošenju Programa razvoja zaštite i spašavanja.
- i.) U skladu sa članom 180. i 184. Zakona o zaštiti i spašavanju i Odluci o uvjetima i načinu korištenja sredstava ostvarenih temeljem posebnog poreza (naknade) za zaštitu od prirodnih i drugih nesreća, tražiti da se u svim općinama TK otvori poseban račun u banci ili podračun na kojem će biti evidentiran priliv i potrošnja sredstava posebne naknade za zaštitu od prirodnih i drugih nesreća.
Potrošnju navedenih sredstava vršiti isključivo kako je to propisano navedenim zakonskim propisima.
- j.) U skladu sa članovima 49. do 62. Zakona o zaštiti i spašavanju provesti potrebne aktivnosti za prikupljanje i potrošnju Naknade za izgradnju skloništa na razini kantona i općina.
Realizovati aktivnost prebacivanja sredstava za izgradnju skloništa koja se nalaze na posebnom računu KUCZ, na poseban račun OSCZ, uz uslov da općina podnese pismeni zahtjev uz koji treba dostaviti dugoročni program i godišnji plan izgradnje i održavanja javnih skloništa i zaklona odnosno prilagodavanje drugih zaštitnih objekata za sklanjanje.
2. Kod nadležnih općinskih organa i službi osigurati da se poduzimaju neophodne preventivne mjere u cilju spriječavanja nastanka opasnosti, kao posljedica prirodnih i drugih nesreća, koje ugrožavaju bezbjednost ljudi i materijalnih dobara.
Od posebne je važnosti angažovanje inspeksijskih organa općina i Tuzlanskog kantona na spriječavanju protuzakonitih radnji i sankcioniranja istih, naročito u oblasti zaštite od požara, zaštite okoline (voda, vazduh i tlo), zaštite od poplava i klizišta, kontrole higijenske ispravnosti vode za piće i namirnica biljnog i životinjskog porijekla, zaštite od zaraznih bolesti ljudi i životinja, te pitanja vezana za problematiku skloništa.

3. Nastaviti aktivnosti na realizaciji projekata regulacije korita vodotoka na području svih općina Tuzlanskog kantona, kao i akcija čišćenja korita vodotoka od deponovanog otpadnog materijala i raznog rastinja, jer se pokazalo da su ove aktivnosti doprinijele znatnom smanjenju intenziteta i šteta od poplava.
4. Planirati potrebna sredstva, u budžetima općina i u budžetu Kantona, za deminiranje i trajno i hitno obilježavanje područja kontaminiranih NUS-om i MES-om.
5. Potrebno je voditi stalne aktivnosti u cilju aktivnog uključivanja, u sistem zaštite i spašavanja, na području Tuzlanskog kantona, osim struktura civilne zaštite, također i nadležnih općinskih službi za upravu, kantonalnih ministarstava, drugih organa uprave, javnih službi, javnih poduzeća, privrednih društava i drugih pravnih subjekata čija djelatnost je od značaja za zaštitu i spašavanje, kako bi se ostvarila koncepcija Zakona o zaštiti i spašavanju, koja predviđa cjelovit i sveobuhvatan pristup poslovima zaštite i spašavanja, odnosno aktivno učešće u ovim poslovima svih navedenih subjekata.
6. U OSCZ i u KUCZ poduzimati sve neophodne mjere, putem obuke, savjetovanja i vježbi, kako bi se na viši nivo podigla spremnost pripadnika struktura civilne zaštite i građana, za poduzimanje preventivnih i operativnih mjera zaštite i spašavanja ljudi i materijalnih dobara od prirodnih i drugih nesreća.
7. Nastaviti i dalje unapređivati suradnju sa FUCZ, kantonalnim upravama civilne zaštite sa područja FBiH, te sa regionalnim i općinskim organima CZ RS i Distrikta Brčko.

DIREKTOR

Zdenko Tadić